



Sarajevo, 03. februar/veljača 2022. Godine

Predmet: Poziv za učešće i podršku obilježavanju Dana sigurnijeg Interneta 8.02.2022. godine

Poštovani,

Dan sigurnijeg interneta (Safer Internet Day – SID) je međunarodni dan koji se na inicijativu Europske komisije globalno obilježava već dugi niz godina. Tom prilikom brojni akteri iz oblasti obrazovanja, zaštite djece, medijske politike i telekomunikacionog sektora promovišu sigurno i odgovorno korištenje interneta i digitalnih tehnologija. Dan sigurnijeg interneta 2021. godine u svijetu će se i ovaj put obilježiti pod sloganom „**Zajedno za bolji internet**“ (*“Together for a better internet”*) dana **09. februara/veljače**. U Bosni i Hercegovini se ovaj dan obilježava od 2011. godine na inicijativu Centra za sigurni internet u BiH, koji Vas ovim putem poziva da se pridružite obilježavanju ovog značajnog dana, te podržite aktivnosti u oblasti sprječavanja zloupotrebe djece i mladih u digitalnom okruženju.

Vođeni zajedničkim uspjehom ostvarenim kroz saradnju prethodnih godina, Centar za sigurni internet u BiH obilježavanje Dana sigurnijeg interneta realizira kroz takmičenje za učenike osnovnih i srednjih škola na temu sigurnosti na internetu.

Takmičenje će se sastojati od online kviza sa pitanjima vezanim za sigurno korištenje Interneta, koji će biti dostupan putem web stranice www.sigurnodijete.ba. **Kviz će biti aktivan** samo na dan obilježavanja SID-a 2022., **dana 8. februar/veljača, od 09:00 do 19:00 sati**, nakon čega će sistem aplikacije za online takmičenje generisati pobjednike kviza među djecom koja su tačno odgovorila na 80% i više pitanja i objaviti pobjednike i osvojene nagrade. Svi pristupi kvizu bit će kodirani, te će u cilju zaštite ličnih podataka djece, pobjednici biti objavljeni pod jedinstvenim kodom i uz navođenje škole pobjednika na web stranici Centra za sigurni Internet u Bosni i Hercegovini www.sigurnodijete.ba, Facebook stranici Sigurno dijete, kao i stranici www.dansigurnijeginterneta.org.

I ove godine obilježavanje SID-a podržavaju partneri i sponzori Centra za sigurni internet koji su prepoznali značaj zaštite djece i mladih na internetu. **Sponzori su za sretne dobitnike obezbjedili nagrade kao što su mobilni, tablet, antiteft ruksaci, antivirus BitDefender licence i druge vrijedne nagrade.**

Kako bi se osiguralo što šire uključivanje djece u takmičenje kreiran je poster koji promovise obilježavanje SID-a 2022, s porukom i pozivom djeci da se uključe u takmičenje. Poster i najava događaja biti će dostupni na web platformi www.sigurnodijete.ba.

Ovim putem Vas pozivamo da o obilježavanju Dana sigurnijeg Interneta 2022. obavijestite nastavno osoblje, a posebno učenike Vaše škole putem školskog oglasa i objavljivanja postera koji dostavljamo u elektronskoj formi, kao i da ih pozovete da se pripreme za kviz tako što će se educirati na web platformi Centra za sigurni internet- www.sigurnodijete.ba, te na ovaj način podržite aktivnosti u oblasti sprječavanja zloupotrebe djece i mladih putem digitalnih tehnologija.

Ukoliko ste zainteresovani da pored poziva djeci na učešće u takmičenju, date i dodatni doprinos i želite da se na drugi način uključite u obilježavanje SID-a 2022. godine, npr. održavanjem preventivnih predavanja, postavljanjem info štanda u školi ili sličnim aktivnostima, molimo Vas da nas o tome informišete putem e-maila na sarajevo@mfs-emmaus.ba, kako bi Vaše aktivnosti bile uključene u zajedničku prezentaciju realiziranih aktivnosti u Bosni i Hercegovini povodom obilježavanja Dana sigurnijeg interneta.

Unaprijed hvala na Vašoj podršci!

Uputstvo za djecu:

Zajedno za bolji internet!

Djeco, pridružite nam se i osvojite vrijedne nagrade!

Šta trebam uraditi?

- 1) Posjetiti web stranicu Centra za sigurni internet u Bosni i Hercegovini www.sigurnodijete.ba i upoznati se sa sigurnim korištenjem interneta;
- 2) Dana 08. februar/veljača 2022. godine od 09:00 - 19:00 sati posjetiti web stranicu www.sigurnodijete.ba i registrirati se za kviz;
- 3) Zabilježiti svoj jedinstveni kod pristupa kvizu;
- 4) Riješiti kviz pitanja o sigurnom korištenju interneta;
- 5) Osvojiti jednu od vrijednih nagrada!

Za više dodatnih informacija kontaktirajte:

Međunarodni forum solidarnosti – EMMAUS

Tel: 033 263 385;

Fax: 033 263 386;

e-mail: sarajevo@mfs-emmaus.ba